

KRAIST EO EMOUR

NAN IN KAMOL AN DRI JILIÖK RO

KABUÑ EO AN JISÖS KRAIST IM ARMIJ RO REKWOJARJAR ILO RAN KO ÄLIKTATA

I lo ad kakememej lotak eo an Jisös Kraist ruo-taujin yiö ko re motlok, kemij kwalok nan in kamol eo am kin mour eo an ejej uaan, im kin kajur eo an ilo an Kar binmour kin kij. Ejjelok juön armij ewör an kajur ñan jelöt mour ko an aolep ro rekar mour ion lal im ro renaj mour tok elik.

E eo ear Jeova Elap ilo Kallimur Mokta, im Mesaia ilo Kallimur Ekäl. Iumin tel im karök eo an Jemen, E eo ear dri kōmōnmōn lal. Ear kōmōn men otemjej; im ejelok men eo Ear jab kōmōne, men eo emwij kōmōnmōne (Jon 1:3). Meñe ear jab jerawiwi, Ear beptais bwe en kamol jimwe otemjej. Ear etetal im kōmōnmōn emōn (Jermal 10:38), meñe Ear kōmōn eindrein ak ar jab jemlok an armij ro matörtör E. Gospel eo An ear juön ennan eo ikijen ainemōn im jokane ilo jemjerä. Ear rōjañ kij otemjej bwe jen lor wanjoñok ko An. Ear etetal iluialan Palestine, Ear kemour ro dri nañinnij, kōmōn bwe ro dri bilo ren lolokjen, im kejerkak ro rar mij. Ear katakin im kwalok kin men ko remol ikijen mour eo ejjelok jemlokin, kin mol eo kin mour eo ad mokta, kab kin unin mour in ad ion lol in, im tokjen eo non ro nejin man im kōrā ñon mour eo ej itok.

Ear jino kōmōne kwojkwōj eo einwöt juön men in kakememej kij kin binmour eo elap an bwe en kajimwe kōtan eo ad ibben Jemen. Rar jibwe im kabwir E ilo ejelok notan, rar na ruön bwe ro rar matörtör e en ju buruer, im totoke ñon mij ilo drebel eo ion Calvary. Ear wujlepe lok mour eo An ñon an binmour kin jerawiwi ko an armij otemjej. Ear juön menin katok eo elap ke ear lelok mour eo An kin kijuij otemjej ion lal.

Kemij lukkun rie im kamol bwe mour eo An, eo ej drilep in bwebwenaton armij otemjej, ar jab ijino ilo Bethlehem im ar jab jemlok ion tol Calvary. Ear manje eo jinoin Nejin Jemeruij Ilañ, Ear make wöt Nejin Man ilo kanniek, eo ej Dri Lomor an lal.

Ear jerkak jen lep eo lipōn ñon erom leen maktata ian ro rej kiki (1 Korint 15:20). Einwöt juön Iroj Ar Jerkak, Ear lolok ro ear yokwe ke ear mour. Ear bareinwöt ilok im jibañ bar jet an sip (Jon 10:16) ilo Amerka etto. Ilo ran kein, E im Jemen rar

walok ñon ladrik eo Joseph Smith, ñon kōbellok jerkan tōrre eo ear kalimur kake jen jinoin kin ien ko rejejit (Epesös 1:10).

Kin Kraist Eo Emour, Dri Kanan Joseph ear je bwe Mejen rar einwöt urur in Kijeek; im kolan bōran ar mouj einwöt sno; im belakin ear romak elaplok jen meram in al; im ainiken ar einwöt ainiken ibiep in dren ko relaj emol kar ainiken Jeova ar ba:

Ña ij jinoin im jemlokin; Ña eo ij mour, Ña eo rar mane; Ña eo ej ami dri kelajrak iben Jema (D&C 110:3-4).

Kin E Dri Kanan eo ar bareinwöt keañ: Im kiö, elkin eloñ menin kamol ko emwij air walok kin E, men in kamol eo in, eo ej eliktata, eo Kemij kamol kin E: Bwe e ej mour.

Bwe kim ar lo e, ej ber itu anbwijmaroñ in Anij; im kim ar roñ ainiken eo ej kamol bwe E ej make wöt Nejin Jemen—


Bwe jen E, im ilo E, im kin E, lal ko rej ejak im lal ko rar ejak im walok, im ro rej jukjuk im amnak ioyer rej maan im kōra ro nejin Anij laplap (D&C 76:22-24).

Kemij keañ ñon aolep ilo nan ko remol bwe kajur im maroñ eo An (Priesthood) im kabuñ eo An emwij an bar jeblaktok ion lal - emwij kalek kom ion foundeson an dri jilik kab dri kanan ro, Kraist Jisös emake lukkun dremōn im (Epesös 2:20).

Kemij kamol bwe juön ran Enaj bar jeblaktok ñon lal, Im naj kwalok aibujuij an Iroj, im kōniek otemjej renaj jimor lo E (Aiseia 40:5). Enaj jermal einwöt Kiñ in Kiñ ran im Iroj in Iroj ran, im buke otemjej renaj bukelölö im lo otemjej renaj konono ilo kabuñjar iman Mejen. Kij otemjej Enaj ekajete kij ekkar ñon jermal ko ad im ikdelel ko an buruör.



Kemij kwalok am kamol, einwöt Ro An Ear Kabit ir Dri Jilök - bwe Jisös ej Kraist eo emour, eo ej Nejin Anij Emour Indreo. Ej Kiñ Immanuel eo ekajur potata, eo ej jutak rainin ituanbwijmaroñ in Jemen. Ej meram eo, mour eo, im ej keja-trikrik eo an lal. Jinok eo jenkwān ej ial eo ej tel lok ñon mōnōnō ilo mour in im ilo mour ñon indreo ilo lal eo ej itok. Kamolol Anij kin men in letok eo ejjelok uwan ikkijen eo Nejin ekwojarjar.

PREJETENJI EO KEIN KAJUON



January 1, 2000

DOLUL EO AN RO JOÑOULRUO



KABUÑ EO AN
JISŌS KRAIST
IM ARMEJ RO REKWOJARJAR
ILO RAN KO ĀLIKTATA

MARSHALLESE



4 02362 99874 0

36299 874